

仙游縣志

(四)

仙遊縣志

古鈔
本錄

(四)

(8-9卷)

立志字仲慮淳熙十二年登進士第調泉州南安縣尉
縣有重辟牒云驗視一屍无首人皆難之公焚香告
天夜榻屍側夢一神人指示曰死者之首投于溪北
杀之者已遁于潮之小江明發急詣溪北尋之果獲
移文至小江捕之見其人磨刃江側捕者詰之曰汝
非南安杀人者乎其人驚怖刃墮地于是就擒一鞠
即服人稱其神改秩宰上饒有康声有見山集十卷
官至惠州通判子充奉議郎通判泉州

許憇字敏修慶历六年登進士第將漕兩浙衢民私釀
繫獄久不决公至出之因感泣競詣佛寺飯僧祝壽

時甘露降于州人謂德政所感作甘露頌

余家父積守職方員外郎致士乙擢慶曆六年進士第
歷官光祿寺丞首奏王安石議論詭办名實眩耀虽
為一時之文人終為異時之臣靈上怒安石亦憾之
因與左右傾心出通判宜州到任上疏又奏安石以
人終累大事若果亟用必至有紛更之失一時出安
石之門者皆惡之得蔡襄余靖力办获免上亦知乙
之直就知秘書丞寻除太常博士英宗即位召見特
授屯田員外郎謂近臣曰余敢言不憚左右朕常畏
之卿等自謹勿使之有言也名動朝廷憮党側目出

通判宣州至州與民无扰州民至登門檢鼓院乞公
伶州事上以問司馬先吕公著对曰余象乃陛下之
汲黯内則面折廷争外則臥治社稷臣也即授都官
員外郎知宣州神宗即位就授職方員外郎寻除屯
田郎中通判南劍十一月除礼部尚書郎中造朝入
对荐胡安定門人錢藻孫覺錢公輔范純仁遂求致
仕公耽書好為詩有遣興一集論語集解一集中庸大義
三十五章吕公著荐其于朝上欲大用而公卒范純
仁状其行从子授

授熙寧六年登進士第初調福州侯官縣尉捕盜改秩

李內翰清臣作告詞曰勞其大小之異而材志之所
存舉可嘉也尔奮勵格賊是亦忠勇為不孤所戕矣
迂秩書省以示勸焉見其水文集
迂校書郎博學能
文多所著述官至京西提舉

陳覺民字述野熙寧九年登進士第元祐間詔舉賢良

方正林希錢勰以名聞時方紛更神考法度人莫
敢言公力陳役法則乞復顧役邊事則乞勿弃地其
言剴切時議者欲罪公并坐舉者賴言者获免知延
州延陽縣以救荒得民心家画像生祠之历太常寺
奉礼郎除宗正丞將大用公以母老乞補外知漳州

改知迪州政治有声擢充福迪路轉運判官移知福州故樞密安公惇昔與公為同舍生情好甚篤元符間任諫議大夫中執法曾无片言扳引及謫守長沙乃歆以公代已令小史持文書以為信忌規厚利公笑而遣之小史歸間言惇由是不樂及居政府言者承惇忌謂公嘗却近臣舉自代坐是罷監東嶽廟尋起知泉州時有司迪言欲推六郡醕朝廷下其奏公陳五不可且移書約他郡使同之事遂寢尋迁本路提點刑獄兼三路都轉運使兼提舉河渠以太夫人年九十九奉母莊政于家人皆榮之復知泉州以右文

殿修撰知廣州所至有風力兩為鄉部使者凡過郡
邑未嘗與僚屬妄交一談人甚憚之卒官至中奉大
夫有文集若干卷制策十卷書評十卷研譜一卷陳
諫議瓘狀其行于宋輔登進士第賜上舍及第官
至吏部郎中

陳開字發明以太學生登熙寧六年進士第調密州教
授時太守蘇文忠公深器重之諸生力留更七年而
后代密州儒風之盛自公始后入為太學博士召對
進兩劄其一排新法其一去小人進君子言議激切
時小人當國出為左州通判尋除宗正寺丞官至朝

奉大夫累贈金紫光祿大夫蔡端明襄狀其行子華
元符三年登第

張式字景則天聖五年登進士第調南劍將樂簿有銀
冶坐歲課不足繫者數百人公籍其人使貧富財力
相兼亡者釋之課更以羨知福州古田縣遷太常博
士知開封府咸平縣呂許公罢相以許州觀察推官
辟之御史中丞舉公知洛州以選知虔州三司市舶
絹十餘万非經數拒而弗市復知濠壽二州

許慎景祐五年登進士第历尚書都官郎中通判德州
仁宗朝舉天下廉吏凡四十九人公預焉除監察御

史未造朝而卒該致仕恩國初凡該致仕者差官未到不敢斂子巽曰人子不能自致功名求致仕以累亡者可乎鄉人賢之后與弟賁異及子孫相繼登第从子章

章字潛道慶历二年登進士第历官知达州除尚書屯田郎中云為政能治煩劇而不問苛細所至有聲由初仕至郎位有荐者五十二人官終朝奉郎

林宗卿字朝彥崇宁五年以舍人選登進士第三山鄴俠孫女議公婚所获繫鬻資不以為已有寒暖口京者例厚贍之播紳咸高其志量西歸道出通州興年

交廖尚書剛拜陳忠肅先生求教忠肅先生徐曰夫
項直公言下伶悟所得為多又嘗从游楊龜山先生
故立朝行已多遵二先生之槩履改秩除睦親北宅
宗學博士召試秘書省正字與張樸見素韓駒子蒼
等二十六人為詩社公為之序引有道山詩社一集
除暫叔直翰林學士院出知恭州瀘南節司奉御筆
開溪費州道南通辰沅西抵瀘戎置一州二縣夔梓
二路聽其節制時邊臣多以開拓蒙嘗故瀘帥希旨
異役屢移書于瀘以止不从乃上疏反復數千言詞
氣忠憤其略曰溪費州檢踏切恐生夷疑惑別致生

事大率役其地不足耕得其民不足治引惹邊患貽
害一方蓋蜀郡與郡蠻為隣若不杜窒其源則接武
邊功者衆寧不斷喪六十州生民之命脉乎徽宗覽
奏側然有旨罷役帥臣號鶴命公兼提舉夔州瀘州
府路馬兵都監司公事乃知恭州二漕隨亦合奏開
陳楊龜山聞之曰覲復和卿朝彥三子學同方真百
鍊剛也未幾思州納土夷官田祐恭與弟祐祥口怨
家告密寃臺欲寘極刑猷奏朝廷命公直其口公至
察珥誤者釋之以事干邊防乞从末減奏至上大喜
時尚書省令夔路敷十萬緡充燕山軍須漕臺文移

星大公稟漕以堡障繭絲當权輕重夔門至隘人心
易搖末產下戶當為蠲削故恭民德公甚深官滿張
運判深與部使者荐公治行乞畀再任上曰是嘗奏
罢溪州役者姑與再任以寬朕西顧憂公蠲恭民宿
逋二十万八千四百五十餘緡來十五万四千三百
有奇自受俸非祿令所著者一介不取始終五樓不
易也家給生祠以奉之靖康中以煩言得旨衡替諸
公祖餞哦詩拥卷馮時詩云並游英俊顏口甲頌德
鑾遙口即碑假使當時头項縮了翁泉下也相嗤僞
寓陪陵之韓亭歌咏自适與吳公敏鄧公雍相唱和

有涪陵集涪之士夫以公才學出處與黃太史相先
后號公為小涪尹公和靖見之曰溪貴一奏皆自養
氣中得之后荐于張魏公以樞宣撫川陝辟公參
謀軍事公力辭疾矣三年降德音四方人才流寓四
川者眾監司擇其才能者以聞涪守王擇仁荐公學
詔純正氣節剛方可備中興任使密院遂移口于涪
趣之赴闕湖北帥奏兵興机密帥幕參謀口儒知兵
以節全城无出于林宋卿者得旨差充湖南帥司參
議魏公復由相府出都督眾復推公赴督府稟議嘗
条湖北兵籌五利又有湖北事宜一集督府集議一

集魏公視師江上欲以宣撫判官辟公辭以家累寓
涪欲挈東歸魏公還朝首以公荐蒙召力求丐祠歸
里終朝請大夫汪农卿叔詹狀其行弟宋臣敬皆公
自訓号后同時登第

林正字明輔唐九牧藻之七世孫本莆田澄渚人父中

奉公茂宗為葉都官招致師席遂家于仙遊石碼公
以大觀四年釋褐及第歷嚴州福州濟南府三任教
官知定海邵武二縣尋除廣南西路提舉洞丁事改
除通州婺州入為秘書丞尚書屯田員外郎司封員
外郎除廣南西路提舉刑獄先是陳感作過高雷間

搔抗公海諸郡公冒大署親至海上招諭陳威聞公
至果來出迎盡散其脅從者數千人親押首伶數十
人歸于桂林及奏官自屬官臣以下各遷官獨公不
有受嘗遂除廣南東路轉運副使移西浙運判除口
司員外郎陞右司郎中遷左司郎中卒子口飛一
鳴皆以父蔭補口

一飛字升卿官至朝請郎口口口外郎權給事中

一鳴字聞卿累遷戶部左口口口樞密院檢事諸司文
字尋以煩言去國時卿相正簡葉公魏國陳公大參
龔公皆其姻舊公奉母家居讀書自娛與林萍齋為

忘年交談論倡酬略无干進忘后丞相梁儀公當國
起公知南岳州公以母老丐祠未幾丁母憂服闋知
惠州立陳文惠陳史君苏東坡唐子西四君子祠歲
饑請發常平倉廣行賑糴民賴以活罢賣口食鹽淹
造鹽鈔紙官酷為民病者十數事又為文諭力學墾
荒田修坡塘種麥去喪樂禁杀牛等事居民有杀牛
者方揮刃間牛掣斷絕索奔至厅下若有所訴見者
驚異公命飼其牛為口屠者人以為仁化所及官滿
之日惟有書數担白金二笏而已知常德府卒官至
朝議大夫子澧